





An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Khua a that rin a ni.
Temp - Max: 20°C Min: 8°C
Dar 6:01-ah ni a chhuak ang a,
Tlai Dar 5:05-ah a tla leh ang.

Tunkar chang vawn : Thuf 13:6
“Dikna chuan paw sawi lote a veng tlat a, Suahsualna erawh chuan mi sualte chhiatna a thlen thin.”

TUALCHHUNG CHANCHIN

☛ Pi HC Lalhriatpuii (Pu Lalremsiama Varte, Br Secretary nupui) leh Pi Laltlanhlui Ralte (Pu Thanglura Ralte fanu) te chu National Health Mission, Mizoram sawrkar hnuaiah Health Wellness Officer tura lak an ni a.

Hna an zawm hmian Bridge Course for Certificate in Community Health for Nurses (BPCCHN) thla ruk (6) chhung IGNOU hnuaiah an zir phawt ang. An zawh hnuaiah Rural Area -a Sub-Centre an enkawl dawn a ni.

An hlawhtlinna kan lawmpui takzet a ni.

Lawmthu Sawina

Nimin khan Khuangpuilam Branch YMA In sakna tur mau lak hnatlang (Zero Point bul Sesih lui kamah) nilengin neih a ni a. Member engemaw zat thawkchhuakin, hnatlanga thawkchhuakte’n chaw lian tawh taka funin, ei leh in tuihnai tak kilhoin phur leh thatho takin hna an thawk a.

Lirthei nei mi engemaw zahin an lirtheite an thawh-chhuahpui bawh a ni.

He hnatlang a thawkchhuak leh lirthei thawhchhuahpui zawng zawngte chungah Branch YMA chuan lawmthu a sawi tak meuh meuh a ni.

Sd/-
Secretary
KPL Br. YMA

Daifim lak man pek lawk theih

Daifim lakman hi thla khatah ₹ 15/- a ni ang a. Kum 1 atan ₹150/- pe lawkin a lak theih dawn bawh a ni.

Daifim la thar duh emaw lak zawm duh kan awm a nih chuan chanchinbu semtute hnenah inhriattir tur a ni.

Tin, chanchinbu la si, a man pe tha duh lo kan awm avangin harsatna a awm thin a. Chuvangin tihtawpsak an ni ang.

YMA Bungraw In sa mek
Mi inphal leh tlawmngai an pung zel
Dated Khuangpuilam, the 2nd February, 2020 (Pathianni) :

Kum 2015-a Khuangpuilam Branch YMA dintirh atang khan kan Branch YMA hian IN emaw hmun leh hma emaw, a pualin a lo la neih theih tak si lovah chuan nikum kum 2019 Branch Executive Committee chuan ‘Hmun leh hma neih ve ngei ni se’ tiin a rel thlu ta a. Hmun remchangte hmuh a nih mai loh avangin tihpuitlin a ni ta lo a ni.

Kum 2020 a lo inher chhuah leh meuh chuan kan branch hruiatute chuan rilru thar nen beiseinain tuna kan hmun hauh, Sport Office tlang panna kawngsir chu JCB nen a han lai ta nghal rup rup mai a. He lei laihnuaah pawh hian JCB neitu Pu Lalremruata (Chawngbawla section) inpeknain a man chanve chauh a laih an han ni ta mai hi a lawmawm takzet zet a ni.

Tichuan, BEC hmasa ber chuan he bungraw in sak a nih theih nan hian Branch hruiatute chu chak taka hma an lak a lo phalsak tawh angin kawng hrang hrangin bul tanna tur hma lak mek a ni a. Thingkih hnatlang hmanga sum tuakin bul tan niin, tlawmngaia a thlawna thing min zai saktute, Pu Thangkima Sailo (Khuangchera section) leh a makpa Pu Roa te avangin in sakna tur thingzai engemaw zat neih tawh a ni.

A rang lama bungraw in hi sak fel thuai tum a ni a. JCB min hman tirtute leh a thlawna thing min zaisaktute chungah Br Yma chuan lawmthu a sawi tak meuh meuh a. He YMA IN hi sak puitlin anih ngei nan in tinah mi inphalte hnenah an phal ang ang, sum emaw a hmanrua emaw pawh ni se hruiatute chuan khawn ni se tiin a rel bawh a ni.

Leadership cum Account Training nei dawn

Branch Executive Committee-in a rel angin ni 6 February, 2020 (Ningani) zan dar 6:30 khian Diakkawn High School-ah Branch Executive Committee leh Section Committee member chinte’n ‘Leadership cum Accounts Training’ neih a ni dawn a ni.

Resource Person atan Pu Laltanpuia Rengsi leh Pu GS Zaithantluanga te beisei an ni a. Projector bakah zirchhinna hun hman tum a ni bawh.

Kum kal tawhah training buatsaih a nihin training turte’n an ngai pawimawh loin, vawi engemaw zat thulh thin a lo ni thin a. Chuvangin, training turte’n a pawimawhna hriaa mahni hna tul kalsana tel vek a duhawm hle a ni.

Khuangpuilam Cultural Club
Hruaitu tur thlang

Khuangpuilam Branch YMA hnuaia Khuangpuilam Cultural Club-te chuan ni 27 January, 2020 (Thawhtanni) khan Hruaitu thlanna an nei a. Heng mite hi thlanchhuah an ni.

President : Nl. Rakil Lalbiakdiki
Vice-President : Pu B. Ramdinliana
Secretary : Tv. H. Lalmuanawma
Asst. Secy : Pu C. Lalramzaua
Treasurer : Nl. Zonunsangi
Fin. Secy : Tv. R. Lalnuntluanga

Editorial Board :

Represent: Pu Rotlingpuia
 Editor: Pu Ricky MS Dawngzela
 Jt. Editor : Pu Lalsiamkima
 Treasurer: Nl. Florence Zoremsangi
 Cir.Manager : Tv. Samuel Lalpekhlua
 Contact No: 9862501858 / 9612691291
 9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
 96121 55162
 Secretary : Tv. R. Lalnuntluanga
 82599 60032

Vanapa Section

Leader : Pu Lalchuaailova
 87300 99599
 Secretary : Tv. Lallawmzuala
 87875 41803

Khuangchera Section

Leader : Pu Lalramzaaua
 76408 95924
 Secretary : Pu Zachungnunga Hrahse
 76299 69989

Editorial.....

Veng tin, khaw tinah hian mihringhi hlawm hranghrang aawm a. Then khat, an zir sang emaw an zir tlem emaw, an fing emaw fing lo emaw, hausa emaw rethei emaw, an phak ang taroka kohhran leh khawtlanga an theih-tawp chhuah thin mi an aawm a; then khat an zir sanna leh hausakna chhuanga kohhran leh khawtlang hlam-chhiah an aawm; then khat lah zir hniam avang leh khawwak harsat avanga kohhran leh khawtlanga kimki an aawm.

Then khat aawm hmuna lo intifing ve em em, hruaitute aawmdan tur leh tihtur tha hre em em, an thuhnuaiia kun aawm tawkte te chung a ro lo rel ve zut zut ching an aawm a; thenkhat hruaitute kaihza veng tura an theihna zawna lo tang ru ve em em an aawm bawk.

Then khat in chhungkhura tangkai em em si, kohhran leh khawtlang hlamchhiah leh em em si an aawm a; thenkhat kohhran leh khawtlanga tangkai em em, in chhungkhura nep leh zulan aawm bawk.

Nang engnge i dinhmun?
Kristian rama cheng, kristian nu leh pa laka piang, kristian chhungkuaa sei lian kan ni. Mahse, eng kan ti ta nge heti khawpa kan ram kan hnufum a, hmasawwna rah bi kan thenawm state-te ruala rap hlei thei lo, incheina leh khawwak phung erawh tisang hle kan nih mai le!!

Pathian thu aiin khawvel dan kan chhiar hnem a; Pathian thu aiin khawvel mifingte thu kan ngaihthla tam vang a ni.

Pathian thu hian kei leh ka chhungte, kohhran leh khawtlang, ram hmasawwna hi min ngaihtuahpui asin!! **A engmah hlamchhiah suh.**

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Pu Lalnunhlua 9366270802	Financial Secretary Pu Rotlingpuia 9862385193

K o h h r a n H u a n g

PRESBYTERIAN CHURCH

Presbyterian Kohhran

Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

UPC (NEI) Kohhran

Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

UPC (Mizoram) Kohhran

Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

Tihswal tihdikna

Kar hmasa issue headline a ‘Thlan tharten pha, Inthlanna nei leh dawn’ tih kha, kum hmasa lam chanchinbu format atang chanchinbu hi siam niin, a heading paih kim loh palh vang a ni a. Tihswal avangin chhiartu mipuite chungah ngaihdam kan dil e.

Uluk taka kan chanchinbu lo chhiar a, a dik lo lai min hrilh thin-tute chungah lawmthu kan sawi a. Chanchinbu changtlung leh tha kan neih zel nan min chhiarsaka, a diklo laite min hrilh a, chanchin-bua chhuah tur, thuziak, tual-chhung chanchin leh a dangahte rawn thawh kawngah te, thurawn pek kawngahte min finchhuah tur-in kan insawm nghal bawk a ni.

8. Legal
9. Literature
10. Press
11. Project
12. Property
13. Recreation
14. Resource
15. Science & Environment
16. Sound & Music
17. Sports
18. Training & Youth Affairs
19. Vigilance

Kumpuan - Zirna Uar
 (Kumpuan hi 2019 Gen Conference North Vanlaiphai ah khan kum 2 chhunga tana hman thin tawh turin rorel palai ten passed ani)

Rampawn Group YMA :
 Manipur, Shillong, Tripura

CYMA hmalakna

28.1.2020 : Central YMA Office-ah NGO Coordination Committee meeting neih a ni a, CYMA OB-te an tel. Tuikuk chungchang an sawiho.

29.1.2020 : Minister, Social Welfare Deptt. Pisa-ah meeting neih a ni a, OB-te an tel. He meeting-ah hian Mizo thalai ruihhlo laka la himte venhim kawnga hmalak zel dan turte an sawiho a. Ruihhlo ngaite enkawlina tur, Outreach Drop In Centre hmun hrang hranga hawn tur chungchanga thawhdun dan turte sawiho a ni bawk. Ruihhlo leh a kaihhnawih chung-changa YMA Branch hrang hrangte nena ni khat (1) awh Training buatsaih chungchangte sawiho a nih bakah, Mizoram hmun hrang hranga YMA member 625-te chu Master Trainers atana buatsaih tum niin, kumin March thla ral hmaa Training pek tum a ni.

- Home Minister Pisa-ah Krismas leh Kumthar vuakveta ven-himna leh mipui himna atana Sawrkar leh YMA hmalakna thlirlet meeting neih a ni a, CYMA OB-te an tel.

**YOUNG MIZO ASSOCIATION
 (Hriatna tizauah aw)**

CYMA - Office Tuikhuahtlang,
 Aizawl(0389 - 2322869)
 President - Vanlalruata
 V.President - Lalhmachhuana
 Gen Secy - Prof Lalnuntluanga
 Asst Secy - Dr. Malsawmliana
 Treasurer - Fabian Lalfakawm
 Fin Sect - Roneihthanga
 Central YMA OB & Central
 Executive Committee - 65
 Branch YMA Zat - 808
 Group YMA - 47
 Sub Hqrs YMA - 5
 YMA Member zat - 446623
 (Mipa - 263649
 Hmeichhia - 182974)
 Life Member pek zat- 10827
 Hruaitu Hlun Chawimawina
 Hlan zat - 2688

Central YMA Hnuaiia Sub-
 Committee zat -

1. Kumpuan
2. Land & Building
3. Cultural
4. Disaster Management
5. Documentation & IT
6. Finance
7. Health & Sanitation

Thu ziaak Huang

ZIRNA UAR (YMA Kumpuan 2019-2021)

(Central YMA Kumpuan, 'Zirna Uar' hawn Programme, Vanapa Hall-a ni 20.1.2020
zana Kumpuan Chairman, Tv. Lalmachhuana, Vice President, CYMA thusawi a ni.

'Zirna Uar' tih hi kum 1996, 1997-ah te kumpuanah hman a lo ni tawh a. 'Ram leh Hnam Humhalh' kumpuanah thangkhat lian zet kum 14 lai mai kan neih chhungin, chhunglam leh pawn lama min tibuaitsu hrang hrangte theihtawp chhuahin kan bei a, kanzo fel ta a. Kan duhtawk ta e kan ti a ni lo, YMA General Conference N. Vanlaiphaia 15-17 October, 2019 -a neihah Rorel Palai sang rualte chuan 'Zirna Uar' tih chu lungtial takin kan thlang ta a. Ram leh hnam humhalh kan kalpui dan a koki thlak kan duh tih a lang Chiang Hle. Ruihhlo do a ruihhlo ngaite kan buaipui chhung leh nektu hrang hrangte kan beihchhungin kan ram chhunga hnathawktu lian chu hnamdang an lo ni ta fur a. District thuneitute pawh a ram leilung fa ngei kan tlem ta hle a ni. Hei tak mai hi Zirna Uar puan alo tul chhan pakhat chu a ni.

Mizo IAS, IPS, All India Service-a tling kan khat ta hle. 2014 kha IAS-a Mizo tling an awm hnuhnun ber a ni. IPS-ah phei chuan 1995 daih tawh kha a ni. All India Service/Central Service-a Mizo tling an tam theih nan YMA khawmpui a Agenda kan pass zinga pakhat pawh 'All India Service leh Central Service dangah te Zofate a tam thei ang ber kan luh theih nan Central YMA-in mi bikte tanpuia chhawmdawl kawngah theih tawp chhuah rawh se' tih a lo ni ta. Tun dinhmunah IAS Direct-a tling 10 tha chauh Mizo zingah kan awm ta. Hun kal tawh lamah chuan 1959 atangin IAS/All India Service-ah Mizo hming hi kum tin a lang ve deuh ziah thin. Kan boruak leh dinhmun mek thlirin tan lak a tul a, khawmpuia meuh pawh sawichhuah a ni ta hial reng a ni. Zirna Uar kumpuan hian rah tha a rawn chhuah i beisei phawt teh ang.

Hnamdangin kan ram chhungah thawh tur an hmu. Kan ramah zirlai thalai kan tan em em a; mahse, thawh tur bulfuk hre lo kan pung lawi si. Eizawna tlak thiamna, mahni intodelhna tham thiamna kan zir chhuah a, zirna hmanga ram leh hnam humhalh leh siam that hna kan thawh a tul ta hle mai. Zirna tih hian lehkhazir chauh a kaw k l o v a, Formal Education leh Non Formal Education hi a huap vek a ni. Lehkhazir chauh ni lo, intodelh theihna tur thil kan zirchhuah a, kan talent kan tihpun a tul tawh hle a ni.

Khawvel a changkang zel a, hmasawna a sang zel. Chungte chu tem pha ve tur chuan zirna bawka pawimawh. Mahni tualzalah pawr hluai lovin, thiamna, finna, remhriatna hmanga inbeihna khawvel hmachhawn thei tura tan lak a hun ta hle. Kum 2001 Census-a Literacy Rate a India rama pahniha ni thin kha 2011 Census-ah chuan pathumna kan lo ni ta. Zirna lamah kan thlahniam a tih loh theih lovang. Ruihhlo - Drugs, add. a pung a, addict kan pung tual tual, pun dan tha lo lam a ni, Zofate kan harh a hun ta a ni.

Zirna Uar tih hian lehkhazir lai chauh hi a kaw k l o v a n g, kan zavaiin kan hma zawn theuh a hmasawna nei tura intuaihriam kan mamawh vek dawn a ni. Hawh u, phur takin he kumpuan hi i hmachhawnin i bawhzui ang u.

Zirna uar hlawhtlinna tur chuan kil tinah tanrual a tul. Sawrkar pawhin tan a la tih hriat a ni a, Kohhran (Synod)-ah pawh zirna lama tuite tan tanpuina kawng a inhawng zel. YMA-in rampumah hma a la baw k a n g a, a tul a nih chuan naupang zan len khap te, zirlai zinga tho hma tura Information mike atanga auh thawh te, mahni area theuha zirna in leh a thawktute dinhmunte en a, chhawmdawl an ngaihna lai a piangah a theih dan leh remchan dan

angin YMA chuan ke a pen dawn a ni.

Hetih lai hian zirlaite u, tih tur in nei ve. Engkimah a remchan dan a puih che u kan inhuam lai hian tih takzeta tumruhna leh huaisenna nen Mizoram leh hnam tana lehkhazir a tan in lak ve a tul a ni. Chutihrualin zirtirtute pawhin theihtawp kan chhuah a tul dawn. Kan hma zawnah step khat tala hmasawna nei tura tan lak a tul hle mai.

Nu leh pate pawh kan bang chuang lo, zana fate uap hman lek lova chhuah rualte pawh insum a tul dawn. Tunlah mitin mai hi programme-in kan khat vek mai a, kan rohlu fate tan kan programme neih sa tih tlem leh programme siam tlem pawh zir a tul ta hle a ni.

Sawrkar pawhin kalphunga neih sa pawh a tul a nih chuan zirna kawnga hma kan sawn theihna tur a nih dawn phawt chuan a her rem a la tul ang. Kan kalphung neih mek hian state dangte a el pha lo a nih chuan state dangte el pha tura ruahmanna siamte pawh a tul ngei ang. Zirna uar hlawhtlinna tur chuan sawrkar, YMA, khawtlang, kohhran, nu leh pa leh zirlai ten kan tih tur theuh kan tih a, change siam tura tan kan lak a ngai a, chumi tlingkhawm leh thawhhona chuan Mizo thalaite tidanglamin ram leh hnam hmel a lo danglam anga, thiamna, finna, remhriatna hmangin ram leh hnam hi awmze nei zawkin kan humhalh ngei ang.

VC tlangau thu

1. Land Revenue & Settlement Officer thuchhuak angin Kolasib town area chhungah huan pass neih a theih tawh lova, 'Pass' nei zawng zawngin 'House Pass' a leh vek tur a ni a. Pass let lo te chu an pass-na cancel sak thlengin hmalak theih a ni a, town area chhunga Huan pass/periodic patta nei zawng zawng chuan Revenue office-ah pass-na Xerox copy theih vek tur a ni e.
2. Sub Divisional Magistrate thu chhuah angin...
 - 1) Mi tumahin mimal bungrua leh insakna bungrua kawng kamah an dah tur a ni lo.
 - 2) Kawngpuiah Rod leh thil dang chhut ngil phal a ni lo.
 - 3) Kawngpuiah Motor/thleng/insukna leh silna tih luan phal a nilo.
 - 4) Tui luankawr ti chhe zawng leh tichep zawngin hma an la tur a ni lo.
 - 5) Kawng ti chep zawng leh tihnawk zawngin leivung an paih tur a nilo.

**Thupek awihlote chu 185 IPC emaw
144 CRPC in hrem an ni ang.**

Phalloh tithintu ni reng chung siin i fate'n dan tha taka an zawm i ring em?

CHANCHINTHAR

e-Post machine sem : Ni 29/1/2019 khan Kolasib I&PR conference Hall ah Kolasib District-a retailer 74-te tan ration lak dawna finger print hmanga ration lak theihna, Electronic Point of Sale(ePost) semna leh inzirtirna hun hman a ni. e-Post hi bio-metric khawl a ni a, ration card-a member tu pawh Aadhar card neite chuan an kut zungpui thla (finger print) lain, retailer hnenah ration an la thei dawn a ni. Khawl hi online leh off-line mode-in a hman theih a, internet awmna hmunah data upload/download mai tur a ni.

A vawithum nan Dr TAo Football Champion - Mizoram : Dt. 28th Jan, 2020 (Thursday) zan khan Kohima ah Mizoram leh Sikkim final ah intumin, 1-0 Mizoram chakin Dr TAo Football 2020, champion nomawi an chawi. Man of the final -ah David Lalrinmuana chu thlan a ni a, best forward ah Malsawmfela leh best player ah Lalchungnunga kum 19 chu thlan an ni. Mizoram hi kum 2011 khan Gabgtok ah a vawi khat nan an champion a, kum 2014 a an chawin nen tun hi a vawithumna a ni.

Bus conductor UPSC mains examination paltlang
Bangalore Metropolitan Transport Corporation (BMTC) Bus conductor, Madhu Kum 29 mi chuan Union Public Service Commission (UPSC) mains examination 2019 a paltlang tlat! Nikum June 2019 khan prelims paltlangin January a mains exam kha a paltlang leh a ni. Madhu hi kum 19 mi a nih atangin bus conductor hna hi a thawk tawh a ni. Hetichung hian Graduate leh Post graduate a zo thei tho a ni. Nikhatah darkar riat hna thawk chungin darkar nga lehkhazirnan a hmang thin. A lehkhazirnan hian Social Media a hmang tangkai a, You Tube video vel atang pawn a inzir nasa hle niin a sawi.

Coronavirus: China rama Wuhan city atanga hmuhchhuah, China bakah ramdang eng emaw zata darh tawh novel coronavirus leng avangin mi enge maw zatin nunna an chan tawh a, hri kai zat hi 9,000 an chuang tawh nia sawi a ni. Hemi kawnga hmalak nan hian Mizoram Health Department hotute pawh thukhawmin hrileng mek chungchang sawiho a ni a, ram dang atanga Mizoram rawn lut turte dinhmun endik an rel.

China rama Wuhan University-a Kerala mi zirlai pakhat, India-a lo haw chu nimin khan novel coronavirus (nCoV) a kai tih hriat chhuah a nih thu, union ministry of health and family welfare chuan a tarlang.

Hrileng chungchangah hian social media -ah thu lengvak belhchian dawl lo a awm nuala hriat a nih avangin Health Department chuan chi-ai phah nan hmang lo turin mipui a chah a; tul bik thilah chuan mobile phone no.9436195535 leh 9612326762-ah te whatsapp hmanga zawhfiah theih a ni.

Chawngthu Photo

(3-1)

Synod Bookroom, Shaloms chung

Passport, Photo printing,
Citation & Frame, Map printing,
Xerox leh Lamination
a tih theih reng e.

Rawn pan ve ngei ang che

Kolasib Diagnostic Centre

Dr. Hlimpuia Building
Venglai, Kolasib

Heng - Endoscopy HD quality, Digital X-ray
300ma with laser printing, 3D/4D Ultrasound
leh 12 channel ECG kan tithei e. (15-1)

Bawngleia Medical Store

Diakkawn, Kolasib

Mihring damdawi leh ui damdawi
chi hrang hrang lei tur kan kawh reng e.

Min rawn dawr ve rawh le (3-1)

Kim Kim Laboratory

Banglakawn, Kolasib

Dr. Hlimpuia Clinic-ah
thisen leh zun a test theih e.
Dawr rawn kal thei lo kan pan thei bawk.

Ph : 8413933536 (6-1)

I insak a lo tlo zawk nan
Cement tha leh rintlak, Cement thar tha
Company direct, Original Cement
chauh hmang thin ang che.
Kolasib-a Distributor awm chhun kan ni.
Kan Cement hi a thar that avangin
a hmang tawh chuan an zawngchhang tlangpui.
Tin, Balu tha leh Brick No. 1
pawh kan nei bawk e.

I mamawh chuan min rawn call rawh le



Ph : 9856333835

AR EL Agency

Venglai, Kolasib

(6-1)

KHIANGTE SUZUKI

Access 125 BS6, Burgman 125 leh
Gixxer New Model stock kan nei reng e.
Spare parts leh Servicing-ah buaina a awm lo.

Honda Dealer kan ni bawk a,
duhthlan tur hrang hrang kan nei e.

Min dawrtute Registration
kan buaipuisak thei nghal bawk e.
Motor Insurance pawh kan tithei e.



Kiangte Suzuki
Diakkawn, Opp KCN Building
Contact : 9862348009

(9-1)

7005612620